



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

19 JANUARI 2021 (SELASA)



KERATAN AKHBAR DAN MEDIA ONLINE (KPDNHEP)

19 JANUARI 2021 (SELASA)

Notis kepada peniaga ingkar

KPDNHEP keluar enam notis kepada peniaga susulan menaikkan harga minyak masak

Oleh RAHAYU MUSTAFA

HULU TERENGGANU

Kementerian Perdagangan Dalam Negeri dan Hal Ehwal Pengguna (KPDNHEP) mengeluarkan enam notis kepada peniaga untuk siasatan lanjut berikutan laporan kenaikan harga minyak masak botol di beberapa lokasi.

Timbalan Menteri, Datuk Rosol Wahid berkata, tindakan penguatkuasaan itu dilakukan susulan pihaknya menerima tiga aduan pengguna iaitu dua di Johor dan satu di Putrajaya berhubung perkara tersebut.

Menurutnya, notis di bawah Akta Kawalan Harga dan Anti Pencatutan 2011 dikeluarkan bagi membolehkan siasatan lanjut dijalankan sama ada peniaga terbabit mengaut untung lebih atau pun dinamakan pencatutan.

Kata beliau, pemeriksaan pegawai dan anggota penguat kuasa di lapangan mendapati, kenaikan harga minyak masak sawit bagi botol 5 kilogram (kg) itu hanya membabitkan jenama tertentu dan berlaku di beberapa lokasi.



Rosol (tengah) meninjau bekal minyak masak di sebuah pasar raya di Kuala Berang pada Isnin.

“Sehingga 15 Januari, sebanyak tiga aduan kenaikan harga minyak masak sawit dalam botol 5kg diterima. Walau jumlahnya tidak banyak, namun kita tidak pandang remeh dan hasilnya sebanyak enam notis sudah dikeluarkan kepada peniaga.

“Kita akan siasat dari peringkat pengeluar, pemborong hinggalah peruncit. Mereka tidak boleh manipulasi harga kerana semuanya dicatat, jika ada unsur pencatutan dan untung lebih kita akan ambil tindakan,” katanya selepas meninjau harga minyak masak dibotolkan di sebuah pasar raya di Kuala Berang di sini pada Isnin.

Pengguna di beberapa kawasan sebelum ini dilaporkan merungut apabila harga beberapa jenis minyak masak botol 5kg naik antara RM25 hingga RM28 sebotol berbanding RM19 hing-

ga RM22 sebelum ini.

Rosol yang juga Ahli Parlimen Hulu Terengganu berkata, kenaikan harga minyak masak dibotolkan berlaku berikutan peningkatan harga minyak sawit mentah di pasaran sejak beberapa bulan lalu dengan nilai terkini komoditi itu mencecah RM800 setan.

Bagaimanapun, katanya, pengguna tidak perlu bimbang dengan situasi berkenaan kerana kerajaan ada menyediakan minyak masak pekset bersubsidi dengan harga tetap RM2.50 sekilogram sebagai pilihan alternatif.

“Ada kemungkinan minyak pekset subsidi ini akan jadi rebutan kerana harganya murah tapi kita akan pantau. Kita ada kuota pengeluaran dengan setengah syarikat boleh keluaran sehingga 300 tan minyak masak pekset subsidi sebulan,” katanya.



ROSOL melihat harga minyak masak ketika melakukan tinjauan di sebuah pasar raya, semalam.

6 notis **siasat** peniaga

Tiga aduan diterima babit kenaikan harga minyak masak botol

Oleh Zatul Iffah Zolkiply
zatuliffah@hmetro.com.my

Kuala Berang

Kementerian Perdagangan Dalam Negeri dan Hal Ehwal Pengguna (KPDNHEP) mengeluarkan enam notis untuk menjalankan siasatan lanjut terhadap peniaga yang didakwa menaikkan harga minyak masak sawit dalam botol lima kilogram (kg).

Timbalan Menteri Datuk Rosol Wahid berkata, enam notis itu dikeluarkan mengikut Seksyen 21 Akta Kawalan Harga dan Anti Pencatutan 2011 (AKHAP 2011) susulan tiga aduan diterima membabitkan kenaikan harga minyak masak botol untuk berat 5kg yang dikatakan meningkat sejak

minggu lalu.

Beliau berkata, ia membabitkan dua kes di Johor dan satu di Putrajaya dalam tempoh 1 hingga 15 Januari lalu.

Katanya, pemeriksaan pegawai dan anggota penguat kuasa di lapangan mendapati kenaikan harga minyak masak sawit bagi botol 5kg itu hanya membabitkan jenama tertentu dan berlaku di beberapa lokasi sahaja.

"KPDNHEP menerima maklumat daripada pengguna mengenai kenaikan harga minyak masak botol 5kg sejak minggu lalu pada harga RM25, hingga RM28 sebotol berbanding RM19 hingga RM22 sebotol sebelum ini.

"Dalam tempoh ini, kita hanya te-

rima tiga aduan mengenai kenaikan itu dan tidak menjadi isu besar.

"Walaupun aduan diterima tidak banyak namun Kementerian pandang serius isu ini dan tidak akan berkompromi dengan mana-mana pihak yang menaikkan harga sesuka hati," katanya ketika melakukan tinjauan minyak masak di sebuah pasar raya di Kuala Berang di sini, semalam.

Rosol yang juga Ahli Parlimen Hulu Terengganu berkata, kenaikan harga minyak masak dibotolkan berlaku berikutan peningkatan

harga sawit mentah di pasaran sejak beberapa bulan lalu dengan nilai terkini komoditi itu mencecah

RM800 setan.

Katanya, pengguna tidak perlu bimbang memandangkan kerajaan menyediakan minyak masak pekiet bersubsidi dengan harga tetap RM2.50 sekilogram sebagai pilihan alternatif.

"Orang ramai disaran membuat aduan sekiranya wujud unsur pencatutan dalam kalangan peniaga.

"Peniaga didapati mengambil kesempatan dan sengaja menaikkan harga minyak masak akan diambil tindakan tegas mengikut AKHAP 2011 yang memperuntukkan hukuman denda tidak lebih RM500,000 atau lima tahun penjara atau kedua-duanya bagi perbadanan manakala bagi orang perseorangan boleh didenda tidak lebih RM100,000 atau dua tahun penjara atau kedua-duanya sekali," katanya.

Dua kes di Johor dan satu di Putrajaya dalam tempoh 1 hingga 15 Januari lalu

Ministry checking claims of cooking oil price hike

KUALA BERANG: Social media is abuzz about hikes in cooking oil prices, said Deputy Domestic Trade and Consumer Affairs Minister Datuk Rosol Wahid. He said only three complaints had been made this year. "Many are complaining on social media that 5kg bottles are selling from RM25 to RM28 each, compared with RM19 to RM22 each prior to this. The ministry has inspected shops to check if there is profiteering." Six notices under Section 21 of the Price Control and Anti-Profiteering Act 2011 have been issued to traders to obtain information on the hike in prices and to detect profiteering." Rosol said this after handing over cash contributions to 119 people, including traders affected by Covid-19, at his office here.



Minyak masak paket habis, harga dalam botol melonjak

Johor Bahru: Bekalan minyak masak paket sekilogram (kg) di sekitar bandar raya ini kehabisan sejak dua minggu lalu, sekali gus menyebabkan pengguna resah.

Tinjauan *BH* di beberapa pasar, pasar mini dan kedai serbaneka di Tampoi, Skudai dan Taman Perling, di sini, mendapati kebanyakan kedai sudah keputusannya bekalan itu dan mendakwa, tidak lagi mendapat bekalan daripada pembekal.

Harga minyak masak botol 5kg di pasaran pula melonjak naik RM28 sebotol, berbanding antara RM21.50 hingga RM22.90 sebelum ini.

Harga minyak masak dalam botol 2kg yang dijual antara RM9.90 hingga RM11 sebotol, kini naik kepada RM12.50 hingga RM14.

Suri rumah, Parmi Suroji, 50, berkata dia kini terbeban kerana harga minyak masak botol naik mendadak menyebabkannya tiada pilihan, selain terpaksa membeli bahan keperluan itu.

"Saya sebenarnya mahu beli minyak masak paket yang dijual RM2.50 sepaket kg, namun sejak minggu lalu ia sudah kehabisan di semua kedai," katanya ketika ditemui.

Peniaga, Iskandar Talib, 56, pula mendakwa sejak dua minggu lalu dia tidak lagi menerima bekalan minyak masak paket, walaupun sudah membuat pesanan kepada pembekal.

"Pembekal mendakwa tiada stok, selain memberitahu mereka menerima permintaan lebih tinggi daripada biasa sejak bulan lalu," katanya.

Sementara itu, di Kluang, minyak masak botol dikesan mengalami kenaikan antara 50 sen hingga RM3, namun harga paket masih tidak berubah, iaitu RM2.50.

Bagaimanapun, bekalan minyak masak paket sukar diperoleh di hampir setiap kedai runcit dan pasar raya.

Peniaga kedai runcit, M Sari-sah, 53, berkata minyak masak botol 1kg yang diperolehnya da-



Pengurus pasar raya, Md Aliff Hashim menunjukkan rak minyak masak paket yang kosong sejak minggu lalu di Taman Dahlia, Johor Bahru.

Pemeriksaan anggota penguat kuasa mendapati kenaikan harga minyak masak bagi botol 5kg itu hanya babitkan jenama tertentu dan berlaku di beberapa lokasi.

Rosol Wahid,
Timbalan Menteri KPDNHEP

ripada pembekal terpaksa dijual 50 sen lebih mahal daripada harga jualan sebelum ini.

"Harga minyak masak botol 2kg naik sehingga 70 sen, manakala 5kg naik antara RM1.75 hingga RM3 mengikut jenama," katanya.

Di Terengganu, Kementerian Perdagangan Dalam Negeri dan Hal Ehwal Pengguna (KPDNHEP) mengeluarkan enam notis untuk menjalankan siasatan terhadap peniaga yang didakwa menaikkan harga minyak masak sawit dalam botol 5kg.

Timbalan Menteri, Datuk

Rosol Wahid, berkata enam notis itu dikeluarkan di bawah Seksyen 21 Akta Kawalan Harga dan Anti Pencatutan 2011 (AKHAP 2011) susulan tiga aduan diterima membabitkan kenaikan harga minyak masak botol 5kg yang dikatakan meningkat sejak minggu lalu.

Beliau berkata, ia membabitkan dua kes di Johor dan satu kes di Putrajaya dalam tempoh 1 hingga 15 Januari lalu.

"Pemeriksaan anggota penguat kuasa mendapati kenaikan harga minyak masak bagi botol 5kg itu hanya membabitkan jenama tertentu dan berlaku di beberapa lokasi.

"Walaupun aduan diterima tidak banyak, kita pandang serius isu ini dan tidak berkompromi dengan mana-mana pihak menaikkan harga sesuka hati," katanya ketika melakukan tinjauan minyak masak di sebuah pasar raya di Kuala Berang, semalam.

Rosol berkata, kenaikan harga minyak masak botol berlaku kerana peningkatan harga sawit mentah di pasaran sejak beberapa bulan lalu dengan nilai terkini komoditi itu mencecah RM800 satu tan.

Di Kedah, bekalan minyak masak di tiga daerah di negeri ini didapati berkurangan menyebabkan orang ramai, terutama peniaga makanan sukar membuat pembelian.

Peniaga, Fauzi Sharif, 60, berkata walaupun kekurangan bekalan tidak menyebabkan harga minyak masak meningkat, dia terpaksa menghadkan pembelian maksimum dua paket kepada setiap pelanggan.

Di Melaka, tiada isu kekurangan bekalan minyak masak atau peningkatan harga dikesan di negeri ini sejak pelaksanaan Perintah Kawalan Pergerakan (PKP).

Pengarah KPDNHEP negeri, Norena Jaafar sebaliknya berkata, pemeriksaan rutin anggota penguat kuasa mendapati kes-umpama itu tidak berlaku.



Pelanggan mendapatkan bekalan minyak masak di pasar raya di sekitar Kuala Berang, Terengganu, semalam. (Foto BERNAMA)

Johor Bahru: Kenaikan harga minyak masak botol lima kilogram yang mencecah RM27.90 membuat pengguna beralih kepada minyak masak peket satu kilogram namun tinjauan mendapati ia mula kekurangan stok.

Tinjauan di beberapa pasar raya dan kedai runcit mendapati minyak masak peket yang dijual RM2.50 sepeket mula dihadkan pembelian kepada hanya lima peket bagi setiap individu.

Malah, terdapat pasar raya yang sudah kekurangan stok apabila rak yang menempatkan minyak masak peket itu dilihat kosong.

Peniaga nasi lemak, Azizah Jamil, 46, berkata, dia terpaksa ke beberapa pasar raya bagi mencari dan membeli minyak masak peket.

Katanya, minyak masak

Minyak masak peket pula kurang stok



PENIAGA kedai runcit, Fikandar Saleem menunjukkan minyak masak dalam peket yang dijual semakin berkurangan.

peket menjadi pilihan bagi peniaga kecil sepertinya kerana harga lebih murah jika



PENIAGA gerai makan, Normah Abdul Hamid, 56, kecewa kerana bekalan minyak masak peket kehabisan stok di Taman Dahlia, Johor Bahru.

dibandingkan minyak masak botol yang tidak bersubsidi.

"Peniaga seperti saya memang guna minyak masak peket. Namun kebelakangan ini minyak masak peket agak kekurangan stok.

"Beberapa pasar raya yang saya pergi juga mendakwa mereka kehabisan stok, malah rak juga kosong," katanya ketika ditemui, semalam.

Bagi Michelle Sullan, 19, minyak masak peket menjadi pilihannya kerana menjimatkan.

Katanya, dia tidak pernah membeli minyak masak botol kerana harga yang mahal selain penggunaannya yang tidak banyak.

"Bagi pengguna seperti saya yang tidak banyak menggunakan minyak masak mungkin tiada masalah, tetapi kekurangan stok boleh memberikan kesulitan kepada keluarga kurang berkemampuan dan juga peniaga kecil," katanya.

Sementara itu, Pengurus Besar Eonsave Cash and Carry, Mas Imran Adam berkata, permintaan minyak masak peket meningkat 40 peratus berbanding hujung tahun lalu.

Katanya, kerajaan diharapkan menambah pengeluaran minyak masak bersubsidi ini bagi mengurangkan beban pengguna.

"Memang buat masa sekarang ini permintaan minyak masak peket menggalakkan. Stok dalam lima tan jualan seminggu," katanya.

Pengguna serbu minyak masak peket

GEORGETOWN: Trend pembelian minyak masak peket di pasaran kini semakin meningkat dalam kalangan pengguna sepanjang tempoh pelaksanaan Perintah Kawalan Pergerakan (PKP) bermula 13 Januari lalu berbanding minyak botol.

Tinjauan *Utusan Malaysia* di beberapa pasar awam di daerah Barat Daya semalam mendapati, tiada kenaikan harga minyak peket pelbagai jenama berlaku yang kekal dijual RM2.50 sepeket.

Seorang pengusaha kedai runcit di Pasar Awam Bayan Baru, **Akashia Ishak**, 41, berkata, dia memilih menjual bekalan minyak peket berbanding botol disebabkan permintaan tinggi dalam kalangan pelanggan.

"Selain harganya yang kekal murah, pelanggan mengatakan mereka dapat berjimat cermat sekali gus menguruskan kewangan dengan bijak berikutan terjejas dengan pandemik Covid-19.

"Saya memang tidak jual minyak masak botol sejak dahulu disebabkan harganya yang mahal selain botol plastik yang mudah dirosakkan haiwan perosak seperti tikus," katanya semalam.

Bagaimanapun, dia memberitahu terpaksa menghadkan penjualan minyak peket kepada hanya dua bungkus bagi seorang pembeli manakala maksimum tiga kotak minyak masak peket dibelinya daripada pemborong di kawasan Georgetown setiap hari.

Sementara itu, seorang lagi peniaga, **Abdul Rahman Ahmad**, 71, berkata, tiada isu kekurangan stok bekalan minyak masak peket pelbagai jenama dalam kalangan pengusaha kedai ketika ini.



Minyak masak paket kurang

Peniaga sekitar Sabak Bernam dakwa sukar peroleh bekalan

Oleh MOHD IZZATUL IZUAN TAHIR

SABAK BERNAM

Kebanyakan peniaga di Sabak Bernam mendakwa bekalan minyak masak paket bersubsidi di daerah itu berkurangan, malah sebahagiannya kehabisan stok sejak seminggu lalu.

Tinjauan *Sinar Harian* di beberapa kedai runcit, pasar mini dan sebuah pasar raya sekitar daerah ini mendapati bekalan minyak masak itu berdepan kekurangan dan sukar diperoleh.

Peniaga pasar mini di Sungai Besar yang hanya mahu dikenali sebagai Fairuz berkata, stok bekalan itu sudah kehabisan sejak Sabtu.

"Beberapa rangkaian pasar

mini yang sama juga berdepan masalah serupa.

"Kami tidak tahu punca kekurangan bekalan minyak masak ini di pasaran," katanya pada Isnin.

Menurut Fairuz, biasanya kekerapan penghantaran minyak masak itu dilakukan tiga kali seminggu.

"Biasanya jarang kami (pasar mini) kehabisan stok, tapi keadaan semakin meruncing sejak akhir-akhir ini mungkin disebabkan pembelian panik oleh pengguna," katanya.

Seorang peniaga kedai runcit di Pekan Sungai Besar, Mohd Anuar Mohamad, 36, pula berkata, bekalan minyak paket daripada pemborong semakin berkurangan sejak seminggu lalu.

Katanya, jumlah bekalan merosot daripada 40 kotak minyak masak kepada 25 kotak pada masa ini.

"Setiap kotak mengandungi 17 paket minyak masak dan jumlah dihantar pembekal semakin sedikit," katanya.

Ujarnya, kenaikan harga minyak masak botol beberapa



Mohd Anuar menunjukkan bekalan minyak masak paket yang semakin terhad di kedai runcitnya di Pekan Sungai Besar pada Isnin.

jenis di pasaran mungkin menjadi punca minyak masak paket mendapat permintaan tinggi berikutan dijual pada harga subsidi RM2.50 sekilogram.

Seorang peniaga kedai run-

cit di Taman Cahaya Sungai Besar, Jahir Hussain, 58, berkata, bekalan minyak masak paket mencukupi dan tidak putus, namun bekalan daripada pembekal pula berkurangan.

"Biasanya kami dapat 400

paket minyak masak, tetapi sejak seminggu lalu bekalan menurun kepada 200 paket sahaja.

"Kami terpaksa mengehendakan pembelian iaitu seorang pengguna dibenarkan membeli dua paket minyak masak sahaja," katanya.

Peniaga kedai runcit di Pasir Panjang, Sekinchan, Fauzi Nor Ali, 38, berkata, bekalan minyak masak kehabisan stok sejak lima hari lalu.

Bagaimanapun, katanya, sebanyak lima kotak minyak masak kembali diperoleh daripada pembekal pada pagi Isnin.

"Ramai pengguna merungut apabila bekalan minyak masak habis dijual dan bekalan tidak diterima sejak sekian lama.

"Alhamdulillah, bekalan kembali pulih dan berharap masalah sama tidak kembali berulang," katanya.

Seorang pekerja di sebuah pasar raya di Sungai Besar yang hanya ingin dikenali sebagai Rahmat pula berkata, bekalan itu terhad kepada pembelian dua paket sahaja kepada setiap pelanggan.

Kekurangan bekalan ekoran kenaikan harga minyak masak botol, pandemik

Seorang boleh beli dua paket sahaja

Oleh RASDAN AHMAD, NOOR HAYATI MAMAT, NOOR HASLIZA NUSI, ROHANA MOHD.NAWI, MOHAMAD NAUFAL MOHAMAD IDRIS dan NUR AMALINA AZMAN

PETALING JAYA – Kekurangan bekalan minyak masak paket bersubsidi di pasaran ekoran permintaan yang tinggi mendorong peniaga meneghadkan pembelian kepada satu atau dua paket setiap seorang.

Langkah itu bagi membolehkan lebih ramai pengguna dapat membeli minyak masak tersebut yang dijual pada harga RM2.50 sepaket sekilogram.

Di **Pulau Pinang**, seorang pengusaha kedai runcit di Pasar Awam Bayan Baru, Akashia Ishak, 41, berkata, dia terpaksa meneghadkan penjualan minyak paket dengan hanya dua bungkus bagi setiap pembelian ekoran bekalan yang terhad.

Katanya, dia hanya dapat membeli maksimum tiga kotak minyak masak paket daripada pemborong di kawasan George Town setiap hari.

"Kenaikan harga minyak masak botol mendorong pembelian yang tinggi terhadap minyak masak paket yang masih kekal harganya.

"Selain harganya yang kekal, pelanggan menyatakan mereka dapat berjimat cermat dan perlu menguruskan kewangan dengan bijak berikutan terjejas dengan pandemik Covid-19," katanya ketika ditemui *Kosmo!* di sini semalam.

Dalam pada itu, di **Kelantan**, seorang peniaga kedai runcit di Kampung Aur, Bachok, Nafisah Abdul Kadir mengakui, dia turut meneghadkan penjualan minyak masak paket kepada pelanggan akibat kekurangan bekalan sejak sebulan lalu.

"Setiap kali ke kedai borong, saya dibenarkan membeli hanya satu kotak sahaja, oleh itu



SEBUAH kedai di Padang Matsirat, Langkawi meletakkan tanda meneghadkan pembelian minyak masak bersubsidi berikutan bekalan yang tidak mencukupi.



NORASYIKIN menunjukkan stok minyak masak paket di kedai runcitnya di Kampung Buluh, Kuala Berang semalam.

seorang boleh beli dua paket sahaja," katanya.

Nafisah berkata, setakat ini, meskipun mengalami kekurangan bekalan minyak masak,

harganya tetap sama dan tidak berlaku peningkatan.

Sementara itu di **Selangor**, permintaan yang tinggi terhadap minyak masak paket menyebab-

kan ada sesetengah peniaga 'menyembunyikan' dan hanya menjualnya apabila diminta oleh pengguna.

Tinjauan mendapati, ruang yang kebiasaannya untuk minyak masak paket kosong dan bekalan berkenaan diletakkan di belakang kaunter bayaran.

Seorang pekerja dikenali Mahindran, 28, berkata, orang ramai lebih memilih minyak masak paket kerana murah dan menjimatkan kerana penggunaannya yang kerap bagi tujuan memasak berikutan orang ramai duduk di rumah sepanjang tempoh Perintah Kawalan Pergerakan (PKP).

Katanya, pengguna juga memilih minyak paket untuk diletakkan di dalam botol sedia ada di rumah.

"Saya hanya mengikut arahan daripada majikan sahaja supaya minyak paket itu disimpan di belakang kaunter bayaran kecuali diminta oleh pengguna.

"Ini berikutan stok yang ada pun semakin berkurangan berbanding permintaannya yang tinggi susulan harga minyak bo-

tol lima kilogram (kg) meningkat daripada sekitar RM18.70 hingga RM27.50," jelasnya.

Sementara itu, seorang lagi pekerja kedai mahu dikenali Saleha, 28, mendakwa bekalan stok minyak peket tidak diterima daripada pihak pemborong sejak dua hari lalu seterusnya terpaksa mengehendkan pembelian sebanyak sepeket seorang.

"Kami kena adil agar semua pelanggan mendapat minyak masak dalam keadaan ketika ini," jelasnya.

Di **Langkawi**, tinjauan mendapati, ada beberapa kedai runcit kecil yang menjual minyak masak peket tersebut pada harga RM2.70 berbanding harga maksimum RM2.50 sepeket kerana mendapat bekalan daripada peruncit lain.

Penyelia kedai runcit, Siti Zaharah Abdullah berkata, bekalan minyak masak bersubsidi di premisnya hanya dapat bertahan kira-kira seminggu sahaja lagi.

"Setakat ini kita terpaksa meletakkan minyak tersebut di belakang kaunter dan mengehendkan pembelian kepada dua peket setiap pelanggan bagi memastikan semua pelanggan dapat membeli minyak tersebut," katanya di sini semalam.

Berbeza di **Hulu Terengganu**, harga minyak masak peket satu kilogram (kg) bersubsidi di kedai runcit di beberapa kawasan pedalaman di daerah ini dijual lebih mahal 30 sen hingga 50 sen daripada harga pasaran.

Tinjauan mendapati harga minyak masak paket tersebut dijual pada harga RM2.70 hingga RM3 mengikut lokasi kampung berkenaan berbanding RM2.50 di pasar raya.

Seorang peniaga kedai runcit di Kampung Buluh, Norasyikin Khalid, 26, berkata, harga minyak peket itu tinggi sejak dulu atas faktor kos penghantaran ke kawasan pedalaman.

'Tutup kedai sebab gagal dapat minyak masak paket'

LANGKAWI – Terpaksa tutup kedai kerana tiada bekalan minyak masak paket bersubsidi. Itu situasi yang terpaksa dihadapi sebilangan peniaga yang mengusahakan kedai makan selepas terpaksa berbelanja lebih apabila menggunakan minyak masak botol.

Seorang peniaga yang mengusahakan kedai makan di Padang

Matsirat di sini, Mohd. Hannan Hanif Abdul Halim, 32, berkata, dia terputus bekalan minyak masak sejak dua hari lalu sehingga menyebabkan terpaksa beralih kepada minyak masak botol.

"Minyak masak tidak bersubsidi pula telah naik harga sehingga RM27 bagi botol lima kilogram (kg) dan jika keadaan ini berterusan ada kemungkinan saya ter-

paksa menutup kedai.

"Ini kerana menu sedia ada seperti kentang dan ayam goreng menggunakan minyak yang banyak," katanya.

Mohd. Hannan berkata, penggunaan minyak masak botol akan mengakibatkannya mengalami kerugian kerana harganya lebih mahal.

Sementara itu, di **Hulu Tereng-**

ganu, peniaga rojak, Rohani Deraman, 50, berkata, harga minyak masak paket lebih mahal sehingga 50 sen daripada pasaran itu dianggap normal kerana kampungnya terletak jauh di pedalaman.

Katanya, dia tidak alami kesukaran bagi dapatkan minyak paket bagi kegunaan harian serta untuk jualan rojak ayam yang diusahakannya.

"Minyak masak paket memang jadi pilihan sejak dulu lagi kerana harga lebih murah jika dibandingkan dengan minyak masak botol.

"Saya lebih gemar membelinya di kedai runcit sekitar pekan Kuala Berang biarpun harganya sedikit mahal berbanding pasar raya kerana tidak perlu beresak," katanya.

Bekalan kurang punca harga barang keperluan naik

Oleh Mohamed Farid Noh, Asrol Awang, Muhammad Zulsyamini Sufian Suri, Hassan Omar, Hazira Ahmad Zaidi, Ramli Ibrahim, Zuliaty Zulkiffli, Zatul Iffah Zolkiply, Adnan Ibrahim, Siti Haliza Yusop dan Hazira Ahmad Zaidi
bhnews@bh.com.my

Status halal daging sejuk beku, keadaan banjir pengaruhi permintaan

Kuala Lumpur: Harga beberapa barangan basah seperti ayam dan sayuran di Johor, Perak, Pahang dan Kelantan mengalami kenaikan harga sejak beberapa hari lalu.

Difahamkan, kenaikan harga sayuran disebabkan kekurangan bekalan, manakala peningkatan harga ayam pula dikatakan pengguna kini mengelak membeli daging sejuk beku susulan pembongkaran sindiket kartel daging tidak halal di negara ini.

Di Johor, tinjauan di pasar sekitar Tampoi mendapati harga ayam segar mengalami kenaikan ketara, iaitu RM8 sekilogram (kg), berbanding RM6.80/kg minggu lalu.

Turut naik mendadak harga sawi RM8/kg, berbanding RM4.50/kg minggu lalu, kacang panjang dan kacang buncis RM14.50/kg, berbanding RM7/kg minggu lalu. Paling ketara, harga cili merah naik RM20/kg, berbanding RM12/kg minggu lalu.

Peniaga ayam segar dan daging di pasar basah di Tampoi, Mohd Kamal Kamsan, 51, berkata harga

ayam segar melonjak naik berikutan permintaan tinggi sejak bulan lalu.

"Harga ayam segar mengalami kenaikan RM1 secara berperingkat sejak bulan lalu. Sebelum ini harganya RM6.80/kg, namun kini RM8/kg."

"Ramai pengguna mengeluh, namun kami peniaga tiada pilihan kerana terima ayam pada harga tinggi daripada pembekal. Faktor peningkatan ketara harga ayam segar berikutan pengguna kini mengelak membeli daging sejuk beku selepas berita status halal daging menjadi kontroversi sejak awal bulan lalu," katanya.

Peniaga sayur, Wan Baharuddin, berkata bekalan sayur yang berkurangan menyebabkan harganya naik mendadak ketika ini disebabkan banjir, selain kekurangan bekalan di pasaran.

Suri rumah, Parmi Suroji, 50, berkata sebagai pengguna dia memang berasa terbeban dengan kenaikan harga barangan keperluan basah, terutama ayam dan sayuran.

"Hari ini (semalam) saya beli kacang panjang, sawi dan cili padi, selain beberapa keping tempe pun sudah RM25. Sebelum ini, harga barangan sama tidak sampai pun RM12."

"Jika harga barang keperluan terus naik selepas ini sudah pasti ramai pengguna yang akan terjejas," katanya.

Di Perak, peniaga sayur di Pasar Besar Ipoh, Saiful Azrin Sham-

sudin, 34, berkata berlaku peningkatan ketara harga tomato Cameron Highlands diperolehnya daripada pemborong, iaitu RM9/kg, berbanding kurang RM4/kg hujung tahun lalu.

"Sayur lain yang turut mengalami kenaikan harga ialah kacang bendi, kobis, kacang panjang dan terung," katanya.

Di Kelantan, Kementerian Perdagangan Dalam Negeri dan Hal Ehwal Pengguna (KPDNHEP) Cawangan Gua Musang mengakui berlaku kenaikan harga sayuran yang dijual di sekitar bandar ini.

Ketua Pegawai Penguat Kuasanya, Mohd Koma Shapii, berkata kekurangan bekalan sayur disebabkan banjir belum pulih sepenuhnya, selain kenaikan harga sayuran kerana penutupan pasar besar di bandar ini.

"Kenaikan harga sayur daripada pemborong di Cameron Highlands juga disebabkan perhubungan jalan raya di Lojing terputus, baru-baru ini," katanya.

Di Pahang, dua pemborong dan 23 peruncit di daerah ini membatikan pasar raya, pasar awam dan kedai runcit yang menjual barangan basah diberikan Notis Pengesahan Maklumat Barangan (NPMB) oleh KPDNHEP Kuantan.

Pengarahnya, Datuk Mark Ujin, berkata notis itu bertujuan untuk dianalisis bagi memastikan tiada elemen mengaut keuntungan melampau dalam kalangan peniaga yang menjual atau membekalkan

barangan basah.

"Pemeriksaan dilakukan susulan laporan BH mengenai harga beberapa barangan keperluan di dapati meningkat, terutama ikan, sayur dan bawang merah sejak beberapa hari lalu," katanya.

Beliau berkata, sesi libat urus

bersama Lembaga Pemasaran Pertanian Persekutuan (FAMA), Lembaga Kemajuan Ikan Malaysia (LKIM) dan Persatuan Nelayan Pahang (PERNEPA) turut dilaksanakan.

"Hasil siasatan mendapati, barangan basah seperti ikan dan

beberapa jenis sayuran mengalami sedikit kenaikan harga disebabkan beberapa faktor.

"LKIM Pahang memaklumkan musim tengkujuh yang sedang melanda negeri di pantai timur menyebabkan nelayan tidak dapat turun ke laut, sekali gus menjejaskan bekalan ikan segar di pasaran sekitar Kuantan, manakala FAMA pula memaklumkan hujan berterusan sejak dua minggu kebelakangan ini menjejaskan pekebun tempatan yang menyebabkan kualiti dan kuantiti hasil sayur merudum," katanya.

Di **Kuala Lumpur**, harga kebanyakan barangan keperluan harian di pasaran kekal tanpa sebarang kenaikan sepanjang pelaksanaan PKP.

Tinjauan **BH** di beberapa pasar raya dan kedai runcit sekitar ibu kota mendapati, bekalan barangan harian mencukupi bagi menampung keperluan pengguna.

Kakitangan jualan Pasar Raya Pak Aji, Samsul Ardi, 38, berkata selain harga minyak masak dalam botol yang naik secara berpering-

kat sejak beberapa bulan lalu, harga barangan keperluan lain kekal pada harga biasa.

Sementara itu, roti jenama Gardenia kembali menjadi rebutan di bandar raya ini dengan kebanyakan premis jualan kehabisan bekalan roti itu hanya dalam tempoh dua jam.

Peniaga, Ramli Ahmad, 28, berkata bekalan roti putih Gardenia yang dijual di kedainya habis hanya dalam tempoh dua jam sejak minggu lalu.

"Roti putih Gardenia akan habis menjadi rebutan pengguna sebelum jam 9.30 pagi," katanya.

Peniaga kedai runcit di **Kota Bharu, Kelantan**, Edy Saputra Mohd Ali, 27, berkata sejak pelaksanaan PKP, roti yang dijual habis dibeli pelanggan dalam tempoh kurang daripada tujuh jam.

"Sebelum ini, ada pelanggan yang datang ke kedai memberitahu beberapa kedai yang dikunjungnya tiada stok roti kerana ada segelintir individu yang membelinya dalam kuantiti yang banyak," katanya.



Roti putih Gardenia dapat permintaan tinggi sejak pelaksanaan PKP ketika tinjauan di sekitar pasar raya di Kuala Lumpur, semalam.





Orang ramai membeli sayur di Pasar Besar Jalan Othman, Petaling Jaya, semalam. (Foto Rohanis Shukri/BH)



Saiful Azrin menunjukkan tomato diperolehi daripada pemborong di Cameron Highlands di Pasar Besar Ipoh. (Foto Muhammad Zulsyamini Sufian Suri/BH)



Harga beberapa jenis sayur dijual lebih mahal kerana kekurangan bekalan di Pasar Awam Taman Dahlia, Johor Bahru, semalam.



Kamal Kamsan (kiri) melayan pelanggan di gerainya di Pasar Awam Taman Dahlia, Johor Bahru. (Foto Zain Ahmed/BH)

Ada kenaikan harga sayuran

Gua Musang: Kementerian Perdagangan Dalam Negeri dan Hal Ehwal Pengguna (KPDNHEP) mengakui berlaku kenaikan harga sayuran yang dijual sekitar bandar ini.

Ia berikutan sayuran berkurangan fenomena musim banjir belum pulih sepenuhnya menyebabkan terputus bekalan sayur dari Cameron Highlands.

Ketua Pegawai Penguatkuasa KPDNHEP Cawangan Gua Musang, Mohd Koma Shapli berkata, kenaikan harga sayur itu kerana penutupan pasar besar di bandar ini.

Bagaimanapun, katanya, kenaikan harga sayuran berkenaan tidak terlalu mendadak dan masih mampu dibeli pengguna yang dijual di premis biasa termasuk pasar raya.

Katanya, kenaikan pelbagai harga sayur daripada pemborong Cameron Highlands itu juga disebabkan perhubungan jalan raya di Lojing terputus.

Beliau berkata, pihaknya mengeluarkan lima notis

mengikut Seksyen 21, Akta Kawalan Harga dan Antipencatutan 2011 kepada peniaga sayur bagi mendapatkan justifikasi kenaikan harga.

"Apapun hasil siasatan dan pemantauan yang kita lakukan sejak bermula Perintah Kawalan Pergerakan Bersyarat (PKPB) serta PKP tiga hari lalu tidak ada kenaikan barang melampau.

"Barang keperluan seperti beras, tepung gandum, telur dan roti putih mudah diperolehi di sekitar bandar ini," katanya selepas meninjau harga barang keperluan di sini, semalam.

Pengguna sebelum ini mengeluh apabila harga pelbagai sayuran dijual melambung hingga hampir sekali ganda.

Malah, mereka bimbang harga itu mungkin naik lagi apabila pelaksanaan PKPB dan PKP dikuat kuasa di Kelantan.

Antara harga sayuran yang naik mendadak termasuk tomato, kubis, cili merah, timun, lobak, terung dan lada solok.



MOHD Koma memeriksa tanda harga barang keperluan di sebuah premis perniagaan, semalam.

HARI : SELASA

TARIKH : 19/1/2021

M/SURAT : 16

Senarai Harga Barang Keperluan		Telur Gred A		Gula Pasir		Cili Merah	
• Ayam	RM5.90	• Telur Gred A	RM9.90	• Gula Pasir	RM2.85	• Cili Merah	RM10.99
• Daging Lembu Tempatan	RM32	• Ikan Kembung	RM8.99	• Bawang Besar Holland	RM2.69	• Kubis Tempatan	RM3.80
• Daging Lembu Import	RM24	• Minyak Masak	RM5.30	• Bawang Putih	RM4.88	• Tepung Gandum	RM1.35

*Harga (RM/kg) Sumber: KPDNHEP



KERATAN AKHBAR DAN MEDIA ONLINE (BERITA UMUM)

19 JANUARI 2021 (SELASA)

Cabar pengisytiharan darurat dianggap tindakan terdesak

Usaha Anwar disifatkan aneh kerana keputusan tak bercanggah Perlembagaan

Oleh Zatul Iffah Zolkipli
zatuliffah@hmetro.com.my

Kuala Berang: Langkah ketua pembangkang, Datuk Seri Anwar Ibrahim mahu mencabar pengisytiharan darurat yang dibuat kerajaan ke mahkamah dilihat sebagai tindakan terdesak dan terkebelakang.

Ahli Majlis Pimpinan Tertinggi Parti Pribumi Bersatu Malaysia (BERSATU), Datuk Rosol Wahid, berkata usaha diketuai Ahli Par-

limen Port Dickson itu juga disifatkan sebagai aneh kerana keputusan proklamasi darurat tidak bercanggah dengan peraturan dan Perlembagaan.

"Dengan pengisytiharan darurat ini, saya nampak rakyat gembira, tidak nampak rakyat susah dan berarak sana sini.

"Saham juga naik dan menunjukkan masyarakat gembira. Yang tidak gembira pihak kecewa dan jumlahnya tidak banyak.

"Saya harap kerajaan teruskan apa yang baik demi kesejahteraan rakyat," katanya selepas Majlis Penyerahan Sumbangan Bantuan RM500 kepada peniaga kecil dan penaja yang terjejas akibat banjir dan pandemik COVID-19 di Pusat Khidmat Ahli Parlimen Hulu Terengganu, Bukit Tok Bat, di sini, semalam.

Pada majlis itu, 119 orang penerima bantuan memabitkan pe-

runtukan RM59,500 yang diserahkan secara berperingkat.

Mengenai dakwaan menyatakan pengisytiharan darurat yang berkuat kuasa 11 Januari lalu hingga 1 Ogos depan untuk menyelamatkan kerajaan Perikatan Nasional (PN), Rosol yang juga Ahli Parlimen Hulu Terengganu berkata, pengisytiharan itu untuk menyelamatkan rakyat daripada penularan COVID-19.

Katanya, pengisytiharan darurat itu bertujuan mengurangkan agenda politik dan menjamin keselamatan serta kesejahteraan rakyat berikutan peningkatan mendadak COVID-19 hingga melebihi 3,000 kes baharu sehari.

"Ada pihak mendakwa tindakan itu kad terakhir selamatkan PN, sedangkan ia tidak betul kerana apa yang difikirkan kerajaan ialah keselamatan, kesihatan dan kesejahteraan rakyat," katanya.



Rosol (kiri) melakukan tinjauan harga minyak masak di sebuah pasar raya di Kuala Berang, semalam.